

吳伯雄
編

陳壽祺全集

16



廣陵書社

陳壽祺全集



廣陵書社

第十六册

卷一 星野……………一

卷二 省府州縣沿革表（一）……………一一

卷三 省府州縣沿革表（二）……………八五

卷四 疆域……………一九五

卷五 山川 福州府（一）……………二四五

卷六 山川 福州府（二）……………三〇七

卷七 山川 興化府……………三七一

卷八 山川 泉州府……………四〇九

卷九 山川 漳州府 四八五

卷十 山川 延平府 五四三

重纂福建通志卷之一

星野

春秋緯文耀鉤曰布度定紀分州繫象考封域者莫不求端於天矣分野之說昉於周官散見左國史漢諸書然無專言閩者唐李淳風法象志始因十二次配以唐之州縣其見於地理志者福建泉汀漳爲星紀分蓋唐自景雲中置閩州都督府督閩泉建漳潮開元中改閩爲福又置汀州大厯閒以潮歸嶺南自後閩中郡邑代有增置總不外福建泉汀漳之析置而已又一行云天下山河之象存乎兩戒南戒自岷嶓達閩中是謂南紀爲越門星紀得雲漢下流百川歸焉其分野窮南紀之曲東南負海爲星紀又曰斗牽牛星紀也南斗在雲漢下流爲吳分牽牛去南河寢遠爲越分

由是言之統聞於越繫越於牛卽臺澎負海均得以南紀賅之矣
謹錄歷代史志旁采天官家言附以雜占而折衷於

國朝參用西法凡談天異同之論亦附見焉雖古疎而今密古略而
今詳要之全閩分野以瀄風一行之言爲斷云志星野

福建分星

周禮保章氏以星土辨九州之地所封封域皆有分星以觀妖祥

注星紀吳越之分野

按此言星紀而未疏明何星爾雅乃言三星後漢郡國志乃言三星

史記正義南斗牽牛女爲揚州

後漢郡國志註引帝王世紀曰自斗十一度至婺女七度一名須

女曰星紀之次于辰在丑謂之赤奮若于律爲黃鍾斗建在子吳

越之分野

按星紀距度費直說謂斗十度至女五度蔡邕月令章句謂斗六度至女二度皇甫謐帝王世紀謂斗十一度

至婺女七度唐一行謂斗九度餘千四十二秒十三太至女四度
宋元祐觀天厯謂斗九度至女六度南宋紹興統天厯謂斗四度
三十五分九十二秒至女二度九十五分七秒元史耶律楚材謂
斗四度三十六分六十六秒至女二度九十一分九十一秒許衡
郭守敬謂斗二度七十六分八十五秒至女二度六分三
十八秒明清類天文分野謂斗三度至女一度爲星紀

星經南斗牽牛吳越之分野揚州又曰牽牛六星次一二星主南

越明則王道昌又曰女前十二星近九坎東主十二國鄭北一星

曰越

以上兼斗牛女

爾雅星紀斗牽牛也郭注牽牛斗者日月五星之所終始故謂之

星紀邢疏星紀吳越也

淮南星部名斗牽牛越須女吳

宋書天文志斗牛吳越分

北魏李業興謂斗一度至牛五度

國朝西法赤道自箕三度七分至斗二十四度二十分黃道自箕四度十一分至牛一度五分爲星紀以上兼斗牛

泉州府志按古法自斗十一度至女七度爲丑宮星紀西法則箕自寅而進居丑牛女自丑而進居子蓋古者宮有定宿宿有常宮西法以中氣過宮故日躔冬至卽爲星紀西法之言曰古今經緯不同黃赤俱差甚至前後易次者有之則古之分星屬彼者今或屬此執古法以測今星徒見其惑也

漢書天文志斗江湖牽牛婺女揚州

漢書地理志吳地斗分野輿地牽牛婺女分野

按地理志以會稽屬吳又云少康之

後封於會稽後爲楚所滅十世至閭君搖復立爲越王是粵仍兼會稽

杜佑通典揚州管斗吳之分野兼得楚及南越之交牽牛婺女越

之分野、

宋史天文志牛宿下三星主南越又云須女占越分

明史天文志福建布政司所屬皆牛女分

以上皆兼牛女

春秋緯元命苞牽牛流爲揚州分爲越國

後漢天文志牽牛主吳越

魏太史令陳卓云會稽入牛一度

按清風天文志載會稽入牛一度入四度則爲臨淮入八度則

爲廣陵然則會稽占牛之一度至三度全閩屬郡蓋不出此三度之中

吳虞翻云會稽上應牽牛之宿下當少陽之位

以上專屬牛

乾隆續通志按諸書所載各有異同考以占驗之法左傳昭公

三十二年吳伐越晉史墨曰越得歲而吳伐之必受其殃卜者

曰歲在星紀時閩地屬越則言星紀者可信後漢書永康六年

彗星出於斗牽牛牽牛吳越故海賊浮於會稽時閩地屬會稽則言斗牽牛者可信然猶統越與會稽而言也史記天官書元光元狩越之亡熒惑守斗是時閩越徙民江淮是言斗者有徵矣唐景福元年有星孛於斗牛占者曰越有自立者其時王潮起於閩中是言斗牛者有徵矣二者皆閩事而一屬斗一兼屬斗牛後之言星野者將何所折衷耶大抵歷代占測之術有里差歲差宮度之不同我

朝用西法周天爲三百六十度與古之所云三百六十五度者其法已一變矣且古雖用歲差法而宮與星仍不易西法則以中氣過宮恆星有歲進之差故宮無定宿而宿以遞居各宮其理尤爲縝密前志從陳卓之說又據鄭宗彊星經每星一度當地一

千四百六里有奇

皇甫謐帝王世紀每星一度地以爲閩距會

稽不上數百里隸牛一度無疑又江南通志云今江南之地或

宿屬斗末改爲牛初然則閩之隸牽牛之度者其終古不變也

歟

此以福建分星專屬牛與
瀄風一行之說實相符合

臺海西界於漳南鄰於粵而北則閩安對峙漳分野視閩而粵分

野視漳唐一行有云星紀當雲漢下流百川歸焉故其分野自南

河下窮南紀之曲東南負海爲星紀則臺郡宅東南分野仍屬牛

女與一行之說相符

島上
附傳

劉向曰吳越屬斗牛女分晉隋元志吳越其辰在丑伊古以來未

有非之者而說者曰呂宋居巽巳入翼十度日本在寅艮入軫八

度臺灣背接呂宋右連日本其值翼九度無疑夫臺之去呂宋也

水道七十更有奇其去日本也水道亦七十更有奇二島不在九州之內荒遠難稽星野實不足據若由臺開權中流至澎四更焉止矣由澎至廈七更焉止矣澎舊隸同安星野其能別異乎澎不能別異而謂臺星野其能別異乎且自省會達雞籠水道亦祇七更浮嶼如關童白猷以及旗干石等處似蛛絲馬跡脈絡昭然可尋倘謂鳳山星野入翼九度諸羅星野入翼八度則同郡之地至差一度而呂宋水道至臺六七千里而遙者反謂其入翼十度舍耳目之近而持渺茫無據之論未敢以爲信也

雜占附

宋史天文志天市垣二十二星東西列各十一星其東垣南第六星曰吳越亦爲星紀之次

此條主天市垣之說

春秋緯文耀鉤徐揚之州屬權星

據此福建屬北斗第四星

星經玉衡北斗第六星主揚州常以五巳之日候之

唐書天文志杓以治外故鶉尾爲南方負海之國魁以治內故陬

訾爲中州四戰之國

以上主北斗之說

史記天官書吳楚之疆候在熒惑占於鳥衡

晉書天文志熒惑曰南方夏火禮也視也主楚吳越以南

以上主熒惑之說

史記天官書丙丁江淮海岱

漢書天文志吳越亥

天文書戊主吳越

以上占干支

唐賈公彥云古者受封之月歲星所在之辰其國屬焉

此卽歲星主祀之說

也據此漢高封無諸為閩越王歲在析木之津尾箕之分則越分野又為尾箕

明史天文志福建偏東一度東西偏度以京師子午線為中而較

之先後胥視此蓋人各以見日出入為東西為卯酉以日中為南

為午而東方見日早西方見日遲東西相距三十度則差一時東

方之午乃西方之巳西方之午乃東方之未也相距九十度則差

三時東方之午乃西方之卯西方之午乃東方之酉也相去一白

八十度則晝夜時刻俱反對矣東方之午乃西方之子故欲定東

西偏度必須兩地同測一月食較其時刻若早六十分時之二則

為偏西一度遲六十分時之二則為偏東一度節氣之遲早亦同

清會典福建北極偏東二度五十九分偏東一度節氣遲時之四分

重纂福建通志卷之一終

重纂福建通志卷之二

郡縣建置沿革

閩地紀山海之經列職方之掌其來舊矣顧三代而上殆鴻濛之未啓秦漢以還若草昧之初開三國孫吳始設縣立郡晉宋迄隋區畫加詳唐初建都督府立軍置使分設五州駸駸乎與上國之制侔焉五代王氏保據偏隅亦頗有所增置歷宋至明風氣日新山川獻秀昔時榛狉之壤悉爲繡錯之區矣

皇朝定鼎北燮南諧八閩舊壤升府者一分州者二迨夫東番外島全隸版圖增郡縣於重洋輦金湯於巨浸前此所未有也謹次歷代沿革之詳以彰

本朝版章之盛立省總表一郡表十州表二以便尋覽至其所爲建置

之由分畫之跡廣徵史乘依時代編次如左觀者得以詳考焉志
郡縣建置沿革

福建前表

福建地自唐虞三代皆在揚州南境他書有可徵者總爲一表揭於簡端

唐虞夏

禹貢淮海惟揚州

公羊疏引鄭康成注揚州自淮而南至海以東也案今福建在古揚州南境

山海

經甌居海中閩在海中其西北有山

郭璞注今臨海永寧縣卽東甌在岐海中也閩越卽西甌

今建安郡是也亦在岐海中案晉時永寧今温州建安今建寧府

福建通志

卷二

沿革表

二

福建省

唐虞夏商

揚州

揚州

甌

七閩

卽

東

甌越溫

閩隸

閩

東越

卽

閩

越